



Broj: 16-12-16-5013-*8* /21  
I. Sarajevo, *16.08.* 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-5013/21 od 12.08.2021. godine, u postupku javne nabavke materijala i usluga za opravku opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u postupku javne nabavke materijala i usluga za opravku opreme za potrebe Državne agencije za istrage i zaštitu

#### **Član 1.**

U postupku javne nabavke materijala i usluga za opravku opreme za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-5013/21 od 12.08.2021. godine, okvirni sporazum, na period od tri godine dodjeljuje se ponuđaču „BIRO.KIP“ d.o.o. Banja Luka, ponuda broj 16-12-16-5013-6/21 od 03.08.2021. godine, za ponuđenu cijenu u iznosu od 29.980,29 KM bez uračunatog PDV-a.

#### **Član 2.**

(1) Ponuđač „BIRO.KIP“ d.o.o. Banja Luka obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### **Član 3.**

Ova odluka se dostavlja ponuđaču najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### **Član 4.**

Za izvršenje ove odluke zadužuje se Sektor za materijalno-finansijske poslove Agencije.

#### **Član 5.**

Ova odluka stupa na snagu danom donošenja.

### **O b r a z l o ž e n j e**

Odlukom direktora Agencije broj 16-12-16-5013-1/21 od 30.06.2021. godine pokrenut je postupak javne nabavke materijala i usluga za opravku opreme za potrebe Agencije,

procijenjene vrijednosti 29.900,00 KM bez uračunatog PDV-a, za koje je obavještenje o javnoj nabavci objavljeno na Portalu javnih nabavki broj 1161-7-1-190-3-64/21 od 14.07.2021. godine. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2021. godine („Službeni glasnik BiH“, broj 22/21) i Dokumenta okvirnog budžeta 2022. - 2024. godina. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 27.07.2021. godine do 13,00 sati, te da se ponude dostavljaju u zatvorenoj koverti, Komisija je dana 27.07.2021. godine u 14,00 sati izvršila javno otvaranje ponude.

Blagovremeno je dostavljena jedna ponuda i to:

R/B	Naziv ponuđača	Zbir jediničnih cijena iz tehničkih specifikacije bez uračunatog PDV-a
1.	„BIRO.KIP“ d.o.o. Banja Luka	29.980,29 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, u cilju ocijenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđač „BIRO.KIP“ d.o.o. Banja Luka ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i tehničke i profesionalne sposobnosti. Takođe, Komisija je utvrdila da navedeni ponuđač ispunjava i formalno-pravne uslove postavljene u Konkurentskom zahtjevu.

Kako je Konkurentskim zahtjevom za postupak javne nabavke materijala i usluga za opravku opreme za potrebe Agencije predviđeno provođenje e-aukcije u skladu sa Pravilnikom, da je za navedeni postupak zaprimljena jedna prihvatljiva ponuda, Komisija nije zakazivala e-aukciju već je navedeni postupak okončan u skladu sa članom 69. Zakona, primjenjujući kriterij najniže cijene tehnički zadovoljavajuće ponude iz tačke 8.1. Konkurentskog zahtjeva i sačinila rang listu ocijenjene ponude, kako slijedi:

R/B	Naziv ponuđača	Zbir jediničnih cijena iz tehničkih specifikacije bez uračunatog PDV-a
1.	„BIRO.KIP“ d.o.o. Banja Luka	29.980,29 KM

Komisija je utvrdila da ponuda ponuđača „BIRO.KIP“ d.o.o. Banja Luka u iznosu od 29.980,29 KM bez uračunatog PDV-a premašuje procijenjenu vrijednost javne nabavke za 80,29 KM bez uračunatog PDV-a. Predmet javne nabavke je sukcesivna nabavka materijala i usluga za opravku opreme (kopir aparata, rezača papira, multifunkcijskih i telefaks uređaja, skener i printera) za potrebe Agencije, koja će se realizovati kroz okvirni sporazum sa jednim ponuđačem, a vrijednost okvirnog sporazuma će biti procijenjena vrijednost nabavke, iz razloga što Agencija ne može znati vrstu i količinu rezervnih dijelova koji će se mijenjati. Imajući u vidu činjenicu da će stvarne potrebe za opravkom opreme zavisiti od zahtjeva organizacionih jedinica Agencije, Komisija nije tražila mišljenje po pitanju prekoračenja procijenjene vrijednosti javne nabavke za navedeni postupak.

S tim u vezi, Komisija je utvrdila da je ponuda ponuđača „BIRO.KIP“ d.o.o. Banja Luka ocijenjena kao najpovoljnija ponuda.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum, na period od tri godine dodijeli ponuđaču „BIRO.KIP“ d.o.o. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđaču;
- Sektoru za mat.-fin. poslove;
- a/a.

GLAVNI GENERALNI INSTEKTOR POLICIJE

